

Menaza directo na cas di Alto Comisario Mr. Ronny Bernadina

ORANJESTAD(AAN): Awor no ta minister Rudy Croes so ta bao menaza serio, pero tambe alto comisario di cuerpo policial di Aruba mr Ronny Bernadina.

Aunke e mes no a haya e yamada cu a drenta su cas,

tog su sernan keri na cas si a keda spanta cu e yamda cu a drenta.

Den e caso aki sigur na dos persona na cas e mensahe a ser duna cla y raspa.

Mensahe caminda ta suficiente pa nos al-

comisario tambe haya eschoolta di su coleganan pa cuida su pesona y tambe pa extra vigilancia na su cas pa cuida su famia.

Actualmente den e caya unda tin varios polis ta biba awor tin mas polis ta move.

Alto comisario den combersacion cu nos mesa di redaccion a mostra su preocupacion pa tipo di cosnan asina pasobra e ta haci su famia malo y tambe ta pone cu e no por sigui move durante actividadnan di carnaval caminda e mes ta gusta ta presente uniforma hunto cu su demas coleganan.

Segun mr Ronny Bernadina, aki ta caminda cu cada ken por sinti mescos cu minister Rudy Croes tambe ta sinti relaciona cu su menaza.

Ban spera cu e detencion cay pronto pasobra tin un grupo tras di e menazanan aki cu ta vigila tambe tur movecion y te hasta den fin di siman durante reunion na oficina di seguridad nacional

tin cierto actonan cu a ser cometi contra un di autonan di esnan presente na e reunion.

Minister Marisol Tromp ta nenga Venevision kavel pa Carnaval grandi

ORANJESTAD(AAN): Informacion cu a yega na nos mesa di redaccion ta muestra cu e aña aki Venevision y su crew no ta bon bini pa promove nos carnaval.

Tur esaki pa motibo cu a drenta un advies negativo riba e peticion haci unda ta bisa cu nan ta un estorbo riba e ruta durante carnaval.

Esaki a cay manera un baño di awa frieu cerca esnan tras di e grupo di Venevision, caminda ta bisa cu te hasta minister Marisol ta tras di henter e sunto aki.

Nos a logra confirma cu Atan Lee a pidi prmiso pa e grupo di Venezuela cu sagradamente ta haya su Kavel, pero e biaha aki si cos a pega pasobra Venevision no a haya Kavel.

Aki por mira con e grupo Venezolano cu ta bin Aruba pa promove nos carnaval via nan canal di television, kedando den hotelnan pagando riba nan mes tur gasto awor ta bira victima di minister Marisol.

Ademas Venezuela tin un grupo potencial cu ta bin Aruba regularmente pa cumpra cos y bolbe nan pais.

Cu otro palabra esaki ta un bofta den cara di e grupo di Venevision pasobra pa 15 aña largo sagradamente nan tabata haya nan Kavel mescos cu demas television local y e biaha aki no.

Ta spera cu nan no bay haci un hecho di dje na television pasobra esaki sigur ta un mahos bista pa nos isla cu ta biba di turismo.

Ministerio Publico ta exige control policial Prome di Maart tur hende mester kita tint di glasnan di auto

ORANJESTAD(AAN): Tur cos ta muestra cu entrante prome di Maart polisnan lo bay haya instruccion di ministerio publico pa cuminsa cu un control riba autonan cu glas scur.

Segun informacion e ley pa glas scur a pasa caba y ta prohibi sigur pa tin glas scur na portanan dilanti tanto di pasahero como di chofer.

Tambe ta prohibi pa tint wind shield.

E decision aki ta algo cu polisnan no ta mucho contento cune y te hasta a cuminsa manda mensahe cu nan lo no actua contra esnan cu glas scur.

Na wardanan di polis mes tin un cantidad di polis moviendo cu autonan personal glas scur

Cada ken cu tint nan glas tin e motibo pakico a haci tal y proteccion paden ta uno sigur.

Tambe pa e airco por fria bon y hopi biaha ta evita cu choller por mira loke bo tin den bo auto y asina bin kibra e glas pa horta loke cu nan a mira.

E situacion aki ta uno cu lo bira basta caliente si ministerio publico bin pone ordo pa polisnan cuminsa parti multa riba algo cu den boca di pueblo no ta un solucion pa e problemanan di criminalidad cu tin pueblo fada.

TIN HENDE NO TA DRUMI!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

